

stà et capetanio in Cao d'Istria, vadi a questo effecto in Dalmatia, quando anderà l'orator hongaro; et resti al governo di Cao d'Istria el camerlengo, fino esso podestà ritorni.

*Di Spagna, di sier Piero Pasqualigo, dottor, orator nostro.* Come quelli reali atendono a voler tuor l'impresa contra mori di Barbaria.

*Di Franza.* Come domino Francesco Morexini, dottor, cavalier, orator nostro, era zonto a Bles, a la corte, et domino Acursio li vene contra; et fo dal re, ave audientia, ben visto etc.

*Di Elemania, di sier Francèscò Capello, el cavalier, orator nostro.* Come il re, a requisition dil papa, manda do oratori a la Signoria, acciò la voi restituir le terre acquistate al papa etc.

*Da Roma, di sier Antonio Zustignan, dottor, orator.* Come erano zonte in Roma donna Felice, fia dil papa, e la cugnata, fo moglie dil prefeto.

*Item,* come l'abate di Alviano, qual fo retenuto per il papa, era stà lassato; et che 'l signor Bortolo d'Alviano era intrato in Roma, e à renoncià al papa il castello, con riservation di le raxon etc. *Item,* che pisani si hanno messi soto Spagna. E in Roma si muor da peste et da punta assai, adeo è mal starvi.

*Di Napoli, di Lunardo Anselmi, consolo nostro.* Come il gran capetanio à gran reputation, come re; et che 'l ducha Valentino, qual era in castello, è mandato a Yschia, poi in Spagna.

*Di Rimino, di sier Domenego Malipiero, provedador.* Dil zonzer a Pexaro dil signor Frachasso, qual vien per il papa a l'impresa di la rocha di Forli.

*Di Ravena, et altrove, nove di Faenza.* Come quel castellan di rocha havia scaramuzato con alcuni di la terra e amazati 17, et Guido Guain se li opose contra.

*In letere di Franza.* Come don Alfonxo, fiol dil ducha di Ferrara, era partito, e andato a la fiera in Anversa; et che era stà ferito uno di constabeli era con lui.

*Da mar, per pi' avisi, e dil provedador di l'armada, sier Hironimo Contarini.* Come l'arma' di la Vajusa e Valona ussirà; et di zente turche venute per montar su ditta armada.

14 *Da Constantinopoli, di sier Lunardo Bembo, baylo nostro.* Comme era venuto li dal signor uno orator di Allì, signor di Persia, a dimandar ajuto contra Soffi; et à portà a donar al signor turcho uno zojello, stimato valler ducati 36 milia.

In questa matina sier Almorò Pixani, electo so-

racomito, messe banche, per armar la sua galia, per andar in arma'.

Noto, l'orator dil turcho, e quel dil sanzacho di la Valona, sono ancora qui; quel dil sanzacho sta a la Zuecha, e quel dil turcho a San Pollo, in cha' di sier Vetur Morexini.

*A dì 22.* Fo expedi la galia, soracomito sier Marco Bragadin, e mandata in armada; verso Cataro si dubita dil turcho.

Da poi disnar fo pregadi, per la materia dil turcho, e di risponder a letere dil provedador di l'armada etc.

*A dì 23.* Fo gran consejo. Fu posto parte dar a domino Zuanne, marchexe de Pelegrino, do zudega' dil maleficio, per benemeriti; presa poi balotà do volte; e questo a Orsina, so fiola, per so maridar. Il padre perse per la Signoria 14 castelli, e fato morir a Milan per il duca Filippo. 432, 108, 11; iterum 565, 156, 18; fu presa.

Fu fato vicedomino a Ferrara sier Alvisè da Mulla, è dil consejo di X.

*A dì 24.* Fo etiam gran consejo. Fato podestà e capetanio a Ruigo, sier Ambruoso Contarini.

*A dì 25, fo San Marcho.* Non fo 0.

*A dì 26.* Fo consejo di X.

*A dì 27.* Fo pregadi. Fo electi do savij dil consejo: uno ordinario, in luogo di sier Marco Antonio Morexini, el cavalier, procurator, à refudà per invalidudine, et uno di zonta, in luogo di sier Marco Bolani, à refudà. Rimase ordinario sier Antonio Loredam, el cavalier, era savio dil consejo; et di zonta sier Nicolò Trivixam, procurator, qual refudò. Fu soto sier Lunardo Grimani, savio dil consejo. Et fo electi do savij a terra ferma: sier Hironimo Capello, fo savio a terra ferma, et sier Antonio Zustignan, dottor, è ambassador a Roma. Fu tolto sier Zacharia Contarini, el cavalier, fo savio di terra ferma, et non si provò, era debitor, et per la parte di sier Antonio Trun non provò.

Fu posto, per li savij dil consejo e di terra ferma, che *de cetero* a far li savij di colegio non si vardasse a' debitori, et fu presa, e si dia meter a gran consejo. Ave 105, 29, 0.

Fu, per li consieri, posto che sier Donà Marzello e sier Beneto Gabriel, provedadori sora il cotimo di Alexandria, possino venir im pregadi, si come vien quelli sora il cotimo di Damasco; et fu presa. 46, 117.

Fu leto una parte, di dar certa provision, et caxa et possession a Cremona, al conte Alvisè Avogaro, condutier nostro, per aversi portà ben a Cre-